

Lectio secunda

(Isaias XL, 1–3, 5–8)

Consolamini, consolamini, popule meus,
dixit Dominus Deus vester.

Loquimini ad cor Hierusalem,
et advocate eam:

quoniam completa est malitia ejus,
dimissa est iniquitas illius,
recepit de manu Domini duplicia
pro omnibus peccatis suis.

Vox clamantis in deserto:

Parate viam Domini,
rectas facite in solitudine semitas Dei nostri.

Et revelabitur gloria Domini,
et videbit omnis caro pariter
quod os Domini locutum est.

Omnis caro foenum est,
omnis gloria ejus quasi flos agri.

Exsiccatum est foenum, et cecidit flos;
quia spiritus Domini sufflavit in eo.

Vere foenum est populus;
exsiccatum est foenum, et cecidit flos;
verbum autem Domini manet in aeternum.